


荒政輯要 五六



漢書門			
九	二	七	
七	〇	二	
四	二	〇	
冊	架	函	號

庫文閣內	
九	漢
二	書
七	
〇	
二	
〇	
冊	架

內閣文庫	
番號	漢 9227
冊數	4 (3卷)
函號	295 51




荒政輯要卷五

淺草文庫

華亭姚 碧天璞纂

煮賑規條

一 被災貧民已經賑糶兼施自必均沾惠澤獨有一  
 種顛連無告之人因年荒米貴生計多艱甚且朝不  
 謀夕奄奄待斃地方官若不速急設法養活必致餓  
 餓載道是何忍心當酌設粥廠煮賑以救其死而延  
 其生所用錢糧或動藩庫報部存公銀兩或動在外  
 閑款或出殷戶樂輸均宜



奏明辦理事不宜遲也

一先將應賑人口通縣查明得其確數約應煮賑幾個月需費幾何便可籌款支用若不先通盤計算費用半塗不繼甚屬不妥切勿冒昧從事

一煮賑應于城外及鄉鎮寬闊地面設立廠座每廠委官一員吏書三四名衙役數名伙夫數名并延請里中公正紳耆或誠實親友董理其事每日督率夫役及早煮粥自辰至午散給一次不得遲延致飢民枵腹等候亦不得減少致遠來之人奔走急促仍忍

餓而去中途瘦斃殊堪憫惻也

一應賑之人查驗確實按名給與木籌一枝以爲赴食之憑然煮粥之外又有給米或給錢之法蓋粥廠分設若干座一切人夫飯食置備什物等項地方官自必于本款開銷已費去多金再加以防範不周丁胥夫役乘間侵蝕貧民之沾惠無幾若給米給錢則餘費省而賑項增多官員監放時丁役又難以弊混窮人得錢得米自能食用充飢較之粥賑似覺更易更屬切實但或應粥賑或給錢米宜看時勢之緩急

斟酌行之不可拘泥也

一折給錢米應酌籌公項若干窮民若干可作幾時  
口糧或三日或五日一次散給約計大口給米三合  
或二合折錢四文或三文不等小口減半不過供其  
一殮之需而已若本款充裕仍再加增不得過減  
一如原款是米卽給米穀則碾米散給如原款是銀  
卽易錢給發若垂死之人艱于炊煮緩不濟急仍應  
煮粥爲便也

一粥廠就食之人給與木籌所以便其攜帶不若紙  
票之易于遺失及濕破也若折給錢米仍應頒發印  
票按日赴領蓋用戳記以備查考

一廠內預備小籌凡赴廠領賑之人門首驗明籌票  
給與粥籌米籌錢籌入內驗給另開一門放出一廠  
之中仍左右分設以別男女老弱之人不能上前多  
撥人役留心照應

一異方流民及外出方歸之人聞賑就食猝然而來  
雖驗無籌票亦宜給賑勿令空勞往返至行乞之輩  
所在多有原無分豐歉然年豐米賤則乞所寬裕尚

可存活若荒歉之後人皆自顧不暇何有于乞設廠  
煮賑之舉原爲若輩設也

一無告窮民已入養濟院食糧若地方有善會長  
年資助以補養濟院之不足者捐項少而貧民多自  
應查明扣除弗使重疊受賑轉至真正窮民有不均  
之嘆

### 安頓流民

一窮民遭逢水旱容或輕去其鄉流離困苦極爲可  
憐是以雍正八年十二月奉

世宗憲皇帝諭旨凡遇外來被災就食之窮民卽動支常平

倉穀大口日給穀一升小口五合核實賑恤再動用存公  
銀兩賞爲路費資送回籍并行文知會原籍地方官收留  
照看所用銀穀着該督撫查核報銷嗣後以此爲例欽此  
此留養咨送之始後因流民本地全無生計外地轉  
可謀食且有各省游惰之民聞風冒賑資送之時在

途恃衆挾制甚至肆行搶奪種種不便歷奉定例飭  
令變通辦理全在留心查辦使實在被災窮迫流民  
不致失所方爲妥洽耳乾隆五年六月大學士鄂  
奏稱凡真正災民情愿回籍者于春融時卽行資送  
其並非因災而出之民一槩停其資送應照所奏分  
別辦理如因本地全無生計外地轉可覓食不願回  
籍者悉聽自便不必勉強拘送至于丁壯病故無依  
之老弱婦女及疾病不能僱工者本籍旣無產業卽  
至秋熟回籍亦無生計與其留養異地不若早爲資  
送回籍令地方官安插趁春夏之時猶可覓食圖生  
應令該督撫轉飭地方官于春暖時一體資送其中  
有願俟秋熟後回籍者亦應聽其自便至沿途風雨  
停留之日亦毋庸過爲籌及以啟逗遛滋事之弊  
又戶部議覆蘇撫張奏准嗣後資送災民回籍務  
按人數陸續分送每起以五十名爲率仍將籍貫名

數起程日期預行知會前途交替之州縣逐程轉報  
接續遞送至原籍地方官查收加意安插倘原送之  
州縣不論人數多寡混行起送沿途州縣不預期料  
理接送遲延以致別生事端并原籍州縣不加意安  
插仍致流離失所者該督撫均卽題叅議處再嗣後  
如有別省貧民入境資送回籍照上下兩江之例每  
大口日給制錢二十文小口減半其年老有病做照  
直隸成例酌量加給脚力銀三分如遇水程大小口  
應給之數減半給與船價均于遞送文內註明所支  
銀兩俱于司庫存公耗羨內動用年底核實造冊報  
銷倘州縣官有不悉心經理及視爲他省民人不卽  
加意撫卹并原給銀穀扣尅浮冒等弊立卽題叅嚴  
處加議

一乾隆五年四月奉

上諭據福建布政使喬學尹奏稱有山東蘭山縣飢民二

起到閩覓食又有江南海州飢民到閩覓食俱已捐給口糧資助路費送其回籍等語朕原降旨凡有飢民就食于隣近地方者令有司加意撫恤毋使失所至于山東則去閩省甚遠卽江南與閩亦隔浙江一省何以山東江南之民遠涉長途爲餬口之計乎若力量可以行遠則非飢民可知倘實係飢民則行至隣近省分該地方官卽應設法留養資送還鄉又何以聽其流移跋涉于數千里之外乎此係已經辦理之事不必深問嗣後大小官員當留心體察善爲料理欽此又于乾隆六年

四月奉

上諭據署湖廣總督那蘇圖奏稱臣于上年十二月到任後有山東江南等省流民稟請賑恤查乾隆四年山東沂州等處被災江南亦有歉收之處所有流移到楚之窮民俱已賑恤安頓至于乾隆五年山東江南等省並未被災何至有飢民流至楚省隨諭布政使確查具報旋據查覆外省飢民到楚者共計五十餘戶內中實係貧苦者不過數戶其餘或有先經到楚資送回籍復行潛來者或有年力少壯儘可自謀生計者或出外多年

積有餘資堪自經營者或本有棲止手藝可自食其力者均與賑恤資送之例不符祇因楚省曾有留養飢民之例伊等妄希賑恤未便任其冒濫使各省游惰之民聞風效尤而至應各聽其自便但武昌漢陽二府乃五方雜處之地若漫無稽查則此等之民行踪莫定或生事端已飭各該縣查明如有情願在楚營生者卽于烟戶冊尾附編畸零戶後俾各該地保甲就近稽查以防滋事有自願回籍者卽令各回本籍等語養贍飢民乃國家恤災濟困之恩澤若使游蕩之人得以借名冒濫則無知愚氓將以偷惰爲得計而荒其本業者不少矣那蘇圖所辦是著通行各省督撫知之如有與此相類者着照依辦理欽此又乾隆十三年四月奉

上諭向來外省有咨送流民之例蓋因地方小有旱澇而愚民輕去其鄉以致拋棄室廬荒蕪田畝是以國家施恩格外酌道路之遠近計人口之大小派遣官役護送還家使復故業用意良厚然至饑饉洊臻本處米糧實已乏絕而隣封尚可覓食不得不扶攜奔赴苟延性命此等嗷嗷待哺之氓若必驅還故里豈能坐以待斃勢



又將顧而之他南北東西輾轉資送在鄰省既不勝其煩勞而于災民轉益流離失所廷臣中嘗有以此入告者朕思災輕之地不可令其拋棄失業自當照例資送倘遇積歉之年本處無以餬口轉徙他方或依托親舊以濟其乏或傭工種田以食其力且其中極無倚賴者國家復有留養之例是惟在地方官憫其流移之苦無分畛域隨宜安插俟災氛平復土地可耕然後使回故里勞徠安集加意撫綏亦未始非權宜之道惟在權其輕重相其緩急斟酌辦理未可執一而論山東去年被

災甚重朕屢次加恩賑恤發帑截漕費已不貲而尚不免流移若近省督撫仍復拘例飭令資送實于災民無益應與地方有司就所至之境酌量妥辦如有親舊可依者聽其自爲謀食其或無所依靠卽爲撫留設法安插不必拘定成例嗣後凡有災重之區飢氓外出爲督撫者俱當體朕痌瘝一體之意善爲安輯俾令得所依歸該部可卽行文各督撫等知之欽此又乾隆十三年

五月奉

上諭朕因直省資送流民一事隣省旣多繁費而于災民

實無裨益特行降旨曉諭近據署蘇撫安寧所奏辦理情形仍復未能理會朕意蓋自留養資送之例行各省刁民有于秋收後將糧食器具寄頓親族挈家外出冒稱流民者又有災地流民領得賑票轉賣得錢流移外出者又有一半在家領賑一半充作流民者各省流民出境本地無從查考隣省更莫辨其是否災民不得已見人卽留以符定例且恐聚集人衆或致別生事端雖不應留亦勉強奉行此留養之弊也但奏限旣滿正值東作方興隣省惟欲資送早歸卽遵例分起發行而中

途風雨阻滯每至數起合爲一起千百成羣肆行需索甚至搶奪舖店詬詈解役干犯官長百端刁賴及至一入本境惟恐有司查核則又一闕而散二三解役不能阻止散後仍復出境流移往來資送輾轉不已竟恃此爲資生長策其實在安插復業者百無一二此資送之弊也且流民出外所得口糧較在籍領賑爲數轉多故有在家做飢民不如出外做流民之語因而相習成風流移日甚在有司因係飢民寧過于厚不知是乃誘之使爲流民矣隣省所費不貲而所資送究非實在窮黎

捐厚惠而事虛名殊非政體卽本年山東飢民出外者幾至數萬口外並無資送之例亦未見其流離失所且人人資送勢亦有所難行不如聽其自爲覓食謀生而明切曉諭使知流離在外無所得利不致輕去其鄉拋棄故業乃爲正本清源之道可傳諭各督撫等令其酌量情形妥協辦理不必拘拘成例倘地方被災果重窮民資生無策或老幼廢疾逃荒無倚非留養資送不能存活還鄉者應聽其臨時斟酌各督撫其善體朕意辦理此等案件務期實有濟于災黎不得徒慕留養資送

之美名反啟民間澆薄之習欽此又乾隆二十八年二

月奉

上諭戶部議覆御史顧光旭條奏資送貧民回籍一摺援引前駁成案以此例一開恐致無業之徒混冒虛糜于災黎無益爲言是僅推其流弊而未深究夫有名無實之本源無識者將未免仍疑爲節省帑項起見非朕軫念窮氓熟籌調劑之苦心也從前臣工等奏請資送回籍曾經降旨允行者原因此等災民如果本籍自有田廬固不當聽其播遷失業今經日久體驗流民中遠出

謀生者悉係故土並無田廬依倚之人而必抑令復還  
卽還其故鄉仍一無業之人耳且無論一領路資潛移  
別處去而復來有何查驗卽責地方有司實力奉行則  
必押解濫及無辜亦非政體也朕因直屬兩年秋霖過  
多加恩蠲賑不啻再三又念京師爲五方聚處之會令  
五城加廠平糶給賑卽費正供鉅萬亦無所靳顧又何  
有區區資送之一節然已洞悉其一無實濟而猶曲循  
陳言矯情示惠必不出此也且流民故鄉旣無生計四  
處傭趁卽揆之古人無常職轉移執事之條未始不可

俾之並生並育又何至束縛驅策強以勢所不能堪朕  
意以爲與其資送無實濟不如加賑濟之期俾民獲實  
惠之爲愈也救荒無竒策惟以體恤民隱爲要欲令被  
災至重甚至有田之戶亦槩遠涉則所以籌撫綏必更  
有大設施者又豈特此資送虛文所能濟其萬一哉摺  
內已降旨依議再將此通諭中外使明知朕意欽此查  
農民有田有屋遇遭歉收豈甘棄之而去或因災荒  
已甚飢驅無奈聞知外地豐熟群然他往資送還鄉  
仍無生計勢必復又外出更有落魄不堪之人豐年

本不能足食歉歲愈艱求覓四處謀食亦屬常情在原籍地方官定有先發倉廩撫恤之例自當審其被災之輕重將窮民亟為安頓得所勿致紛散是為首先要務至流民所到省分更宜查其是否實在因災流移之人外地作何資生分別妥辦不可槩行留養資送致啟刁民冒賑聚集生事之弊也

乾隆九年五月直隸被災

左副都御史勵 奏准通行隣省安置流民之法或稊寺廟或設蓆棚或勸諭殷實之家隨力周給或該地方有曠土可耕工程可作隨宜處置務遂其生乾隆十三年八月部議廣西道監察御史黃登賢奏請嗣後地方猝被水旱貧民不能等待查賑放給出外謀生隣境地方官查明實係老幼婦女廢疾及非

賑不能存活者按照賑例酌行收養外其流民中年力壯盛可以自為覓食及有親族可依者不得濫行留養至于春融例應遣歸之時凡前項留養之老幼男女廢疾查其程途遠近酌給口糧聽其回籍毋庸資送

一撫恤流民之計僅藉官紳士民之捐項煮賑了事似屬無濟然飢民清早得粥一食終日行乞又可得一食亦足苟延性命地方官未可謂屬無濟于事因噎廢食不為竭力料理使流民相繼斃命大可哀也應一面廣為勸諭有力之人捐助照依前條賑粥給米折錢諸法飛速舉行一面飭令各地保確查實係

被災流民老幼婦女廢疾及貧無倚賴者或雖耕種之人因年荒米貴輕去其鄉並無依靠者酌量留養其餘如地方流丐朝南暮北豐年常有又如廬鳳等處陋習收穫事畢卽挈家外出歌唱營生歲以爲常俱非被災之民不准冒濫可也

捐助賑恤

一雍正十一年五月奉

上諭朕于直省地方偶遇災祲卽蠲租發粟截漕平糶務使  
得所近聞直省地方捐資周給好善樂施者頗不乏人此  
等良善之人應加恩澤以示褒嘉着各該督撫留心體察  
秉公確訪其捐助多者着具題奏請議敘少者着地方大  
吏給與匾額免其差徭以昭朕與人同善之至意欽此又  
乾隆八年五月奉

上諭地方偶遇荒歉小民乏食富戶家有餘糧或蠲助賑

卹或及時平糶原屬有無相通之義又該地方有司平時固宜化導使知周卹鄉閭及至米穀短少市價昂貴尤當加意勸諭俾富戶不致坐擁餘積漠視鄉人之困苦于貧民自有裨益但周卹之道出于義舉百姓衆多良頑不一若出示曉諭勒令捐糶則奸民視爲官法所宜然稍不如意卽存攘奪之心其風斷不可長近聞湖北湖南江西福建廣東等省多有此等案件夫擁倉庾以自利固屬爲富不仁而借調卹以行強尤屬刁惡不法邇等可寄信與各省督撫令其密飭各屬嗣後如地方需米孔亟之時善爲化導多方勸諭使富戶欣然樂從不可守餘糧以勒重價若有強暴之徒罔知法紀肆行強奪者則宜盡法嚴懲以戢刁風欽此查十室必有忠信百里豈無善士地方荒歉之後本處紳衿士庶商賈人等情殷任卹念切維桑或捐銀以助賑或捐米以濟貧或開倉減糶或設廠施粥或赴他鄉產米之區糶回賑糶踴躍從事者固不乏人地方官或值災傷深重之際當至誠開導以感發其善心若平日並無誠信相孚臨時雖勸不從徒事派累殊失政體

且啟奸民攘奪之漸不可不慎也乾隆二年定例被災貧民該地方富

戶如有出貲安插不致流離失所者該督撫查明富戶用過銀米實數作何優賞之處于題銷賑過銀米數內分別議奏以示獎勵但須出于本人樂善願捐地方官亦不得借獎勸之名致滋抑勒派捐

一地方或值歉收之後糧價日加昂貴驟難平減當勸諭紳衿士庶之中家有餘米者量力減糶以惠桑梓州縣酌設杯酒敦請紳士年高尚義者數人囑令轉相勉勵睦婣任恤之雅人有同善有力之人無不欣然樂從鄙吝不堪之輩百止一二聽之可也切勿輕信書役之言擇殷押派致風波頓生

一紳士平糶一應事宜令其自行經理切不可官立規條以掣其肘不過頒給告示約束時委佐貳巡查以免刁民囉喙而已事竣之日將各戶平糶確數開冊照依本省成案優加獎賞通詳辦理如有不愿領獎者亦可毋庸開報以全其高義

一紳衿富戶之中如有願出資本赴別處買米運回出糶者應詳明上司給與印照移明沿途州縣一體驗放以防阻滯事畢繳銷如應由海運者必候上司奏明請





旨開禁之後方可通運未便擅專也

一捐資賑糶之事殷戶獨力舉行者一切事宜聽該戶自爲料理官爲給示禁約委員彈壓外如係零星捐助積少成多呈繳在官務宜任托妥人秉公經理使窮民均沾有種多事生監並無產業倡爲勸捐之說將鄉居富戶可擾之家逐一開報假官勢百計勒索甚至代爲書捐彼却廁身董事集收染指地方官平日與若輩接洽遇事多受其愚慎之

一殷實之戶或將餘剩米穀捐給本家佃戶或一月或兩月口糧亦有專賑該戶所住地方窮民者俱應任從其便

一地方好義之人夏捐蚊帳冬捐棉衣病者施以藥餌死者周以棺木及捐脩橋梁巒序水道陂塘之類事竣之日俱應核實具詳小則從優獎賞大則具

題議敘但不可任胥役需索規費轉滋擾類耳

一乾隆十六年七月奉

上諭浙東溫處等郡米價昂貴降旨加意撫綏已據該督撫等先後奉准撥運隣省倉穀陸續平糶并徭徠商賑

特免商稅俾米石流通民食充裕但思窮黎待哺孔殷  
外來商米雖已雲集而山鄉僻壤市鎮未必盡敷本地  
有穀之家或能以任恤爲心出其所餘照官價一體平  
糶更足以助官糶之所不及雖零星積聚豈能如官倉  
足給衆人之求然隨鄉分糶于民食亦殊有濟在富民  
推其贏羨嘉惠桑梓孰無此心惟是刁悍乘機或短于  
價值或冒領告貸甚或倡衆搶奪種種不法遂至富民  
聞風相戒以爲善不可爲茲特諭各該督撫凡遇地方  
水旱米價騰湧卽應明切曉諭以天時水旱不齊偶值  
偏災無不飛章入告立卽隨時籌畫百姓惟當安分守  
法靜候施恩若借端生事轉罹罪愆有負國家之惠澤  
德意其能敦任卹而出糴平糶者地方官爲之主持實  
力稽查遇強暴滋事棍徒速卽嚴行懲處務令奸匪斂  
跡富民無所顧忌源源出糶則窮黎受惠多矣所有平  
糶富民計其所糶之數照樂善好施之例優加議敘以  
示獎勵該部卽遵諭行欽此又乾隆十六年十二月奉  
上諭浙江今年被旱成災經朕降旨多方撫恤并令地方  
有穀之家出穀平糶計其所糶之數照好善樂施之例

優加議敘以示獎勵所有捐輸人等該督撫尚未題報  
今據李琨摺奏金華府屬富戶群各踴躍輸將捐資賑  
糶等語一府如此他府慕義樂輸者想亦不乏其睦嫻  
任恤之意實屬可嘉應予從優獎敘從來救荒無奇策  
富戶能出資賑糶是以助官賑之所不及于閭閻殊有  
裨益但先爲定例計其多寡分別錄用則與開捐無異  
自非政體所宜如其循照向來樂善好施之例議敘又  
不過給銜加級亦非鼓勵急公之道着傳諭喀爾吉善  
雅爾哈善令其查察通省情形約畧現在各富戶等已

輸酌量予以進身之階較向例稍優以爲好義急公者  
勸詳悉定議奏聞欽此查浙省通行有職人捐銀三百  
兩以下無職人捐銀三四百兩以下兩院彙行給匾  
捐銀二百兩以下司道給匾一百兩以下府給匾五  
十兩以下地方官自行獎賞又減糶米百石及五十  
石以下者于該縣城鄉總製一匾開列糶戶姓名懸  
挂公所一百五十石以上至二百石者縣給匾音二  
百石以上至三百石者詳府給匾三百石以上至四  
百石者詳道給匾四百石以上至五百石者詳司給

五五  
至千石者督撫各給匾音又浙省乾隆十五十六兩  
年捐賑案內遵奉

恩旨照樂善好施之例從優議敘奏定條款其平糶減價

若干有符于議敘者照捐賑一體議敘此因浙省士  
民一時勇躍助賑從優辦理將來議敘各項好善樂

施之案自應仍照舊例也

附錄原例 乾隆四年六月吏部議覆前任給事中

朱鳳英條奏嗣後各省地方偶有收成歉薄及修城築隄義學社倉等項公事紳衿士民有葢藏豐裕樂于捐輸者按其捐數多寡大者題請議敘小者量加旌獎至應行議敘之員該督撫務須核實具題並飭

令地方官出具並無胥役侵漁浮冒印結一併咨部  
仍將捐助動用數目逐一造冊具題係賑濟則報戶  
部工程則報工部核實確查如果相符會同吏部分  
別議敘倘有抑勒捐助及以少報多者或旁人首告  
或科道糾參除本人不准議敘外將題請之督撫申  
報之地方官一併從重議處又乾隆十六年十月  
吏部議覆兵部右侍郎裘曰修奏稱樂善好施條款  
現在原屬奉行但民間不能周知往往疑沮不前請  
將議敘條款逐細詳列其中有應加增減者亦即議  
定條款行知各省督撫明晰出示曉諭等語臣等伏  
思年來直省偶有偏災紳士果其誼篤桑梓捐資助  
賑有司申報督撫核實具題除捐銀不及三百兩者  
令該督撫量給匾額花紅以示鼓勵外其有捐數至  
三百兩以上者臣部按其銀數多寡分別等差酌量  
議敘如候選候補人員捐銀三百兩以上至六百兩  
則予以紀錄六百兩以上至九百兩則予以加級五  
千兩以上則准其不論雙單月即用貢監生員民人  
等捐銀四五百兩以上則予以職銜加其頂帶千兩

以上亦准分班選用現任官員捐銀千兩以上始准紀錄五千兩以上始准加級或加其頂帶較之捐納條欵槩從輕減蓋以伊等嚮風慕義施惠鄉閭木無

國家

子以旌揚書其姓氏亦足以昭鼓勵而樹風聲若必如該侍郎所奏將議敘條欵預為剖析徧行曉諭是與捐納無異應毋庸議至捐穀捐銀以資賑濟同屬好善之舉原有議敘之條橋梁鑿序水道陂塘一應工程出資脩造如由地方官估驗詳報經部查核確實亦准分別議敘俱屬久定章程毋庸再為置議惟查江浙等省現有被災之處富民或有急公樂助而吏胥從中抑勒不得仰邀  
**恩獎**  
者亦未可定應加通行各該督撫轉飭所屬如有捐輸銀穀脩舉工程一切好善樂施之事即行核實具題議敘仍嚴禁胥役人等毋致阻抑滋弊

以工代賑

一乾隆二年七月奉

上諭今年春夏之交直隸山東兩省雨澤愆期二麥歉收

朕已多方籌畫接濟民食且令直隸總督李衛查有應興工作俾小民得藉營繕以餬其口今思山東民人多仗二麥度日今歲麥秋收穫既薄雖屢降諭旨蠲賑平糶仍恐閭閻尚有艱食之虞着巡撫法敏悉心計議如開渠築隄脩葺城垣等事酌量舉行使貧民傭工就食兼贍家口庶可免于流離失所也再年歲豐歉難以懸

定而工程之應脩理者必先有成局然後可以隨時興  
舉一省之中工程之大者莫如城郭而地方何處爲最  
要又何處爲當先應令各省督撫一一確查分別緩急  
預爲估計造冊報部將來如有水旱不齊之時欲以工  
代賑者卽可按籍而稽速爲辦理不致遲滯于民生殊  
有裨益並將此諭通行各省督撫知之欽此查被災農  
民旣分別賑恤而傭工度活之人時逢儉歲民間工  
作不興米珠薪桂何以存活是以有以工代賑之例  
凡城垣橋梁道路河渠塘隄各項工程分別官修民

脩詳請

奏明辦理

一定例一切工程凡係官修者雖于代賑案內興脩  
俱照各省河工定例准給至民隄民埝原應民間自  
行脩築之工遇偏災之後以工代賑自雍正十三年  
以後照例准給官價十分之三自乾隆七年以後照  
例准給官價一半凡估題代賑工程應將官修民脩  
遵照何例辦理之處逐一聲敘以免部駁

一被災深重所議工程又係有關蓄洩機宜及名募

興脩而畚作之人未必卽係應脩之人給發半價恐尚有不敷應將實在情形并作何悉心籌畫酌議辦理之處于疏內分晰聲敘請

旨遵行

一城垣些小坍塌地方官應照例隨時苦補如工程浩大必需動帑者查明係可緩工程詳請咨明俟水旱不齊之年以工代賑若工程緊急不能緩待者仍照例估報題脩

一乾隆二十六年六月工部議據署安徽巡撫常

奏稱安徽省城工現在待時興舉者二十處其中有題明以工代賑之潛山太湖二縣工程係乾隆二十四年秋被偏災題請加賑案內聲明請脩今二十六年始據請帑興工臣思以工代賑原爲接濟飢民兼完工作之意今時移事過歲獲豐登藉代賑之虛名輕動十餘萬之帑項殊非慎重錢糧之道臣愚以爲此等代賑之工應請停止潛山太湖二縣城垣另行勘估妥辦并請嗣後以工代賑如隄壩河渠道路等項飢民可以力作之工許其一面奏

聞一面乘時興舉其磚料城工匠役必熟習之人磚灰非現有之物于賑務原無裨益均無庸入于代賑之內等語查代賑城工原因年歲豐歉難定小民謀食維艱是以特頒

諭旨令各該督撫將應修城工分別確查預行報部遇有水旱不齊之年藉爲以工代賑之舉此誠我

皇上軫念災黎多方拯濟之至意也各該督撫自宜恪遵辦理遇有歉收地方卽將應脩城工隨時興舉俾小民力作以謀口食并嚴行稽查不使承辦工員任聽

匠頭人等包攬射利除需用熟習匠工之外一應雜作夫工貧民皆可應役于賑務實有裨益若不將代賑之工及時興舉迨時移事過始行請帑興脩殊非以工代賑之本意所有安省乾隆二十四年被災案內題請以工代賑之潛山太湖二縣城垣原估銀二興舉接濟飢民及遲至二十六年始行請帑興修之處應令該撫據實查叅并將該二縣城垣原估銀二十二萬二千餘兩另行確查辦理報部查核至以工代賑地方官果能乘時妥辦于被災貧民實屬有濟



應將該署撫所奏代賑城工概行停止之處應毋庸議等因

奏准通行在案查乾隆二年欽奉

上諭原令各省預為估計造報以便按籍而稽速為辦理不致遲滯如遇水旱災傷應行代賑之時當于加賑案內附疏題明照例興舉或因事在至急具摺

奏明亦無不可總宜及時興工使災黎得以力作謀食弗稍遲悞為要

荒政輯要卷五終

荒政輯要卷六

華亭姚 碧天璞纂

清理刑獄

乾隆七年三月奉

上諭數月以來雨澤稀少朕宵旰靡寧虔誠祈禱雖得微雨未為霑足從前因天時亢旱曾降旨清理刑獄今着刑部將在部各案內有牽連待質者及輕罪內情有可原者或應省釋或應末減會同都察院大理寺悉心詳查妥議具奏至于直隸山東江南三省目下雨暘不均

亦着照此行嗣後各省如遇災青之年着該督撫將清理刑獄之處奏聞請旨欽此又乾隆八年閏四月大學士伯鄂等議據護理山東巡撫包括奏稱查去歲奉到

恩旨後遵照部臣奏准條款自軍流以至笞杖人犯酌量情罪分別減免有差今缺雨之處災青已形敬繹

恩綸理合將清理刑獄之處請

旨但寬恤之典斷自

聖心如蒙

俞允請

勅下部臣將何項輕罪人犯應如何分別減免并停止月

日詳查妥議奏請

聖明鑒定飭遵等語查地方旱象偶形祈求雨澤間脩省刑之典亦感名

天和之一端但各省遠近不同若于旱象已形之時俟請

旨之後部覆到日始將刑獄清理則遠省必須經歷數月辦理已不及時臣等酌議督撫身任地方向來笞杖等輕罪減省之處原可自行酌辦應請嗣後凡遇地

方雨澤稀少之時應清理刑獄者除徒流等罪外其  
各案內牽連待質及笞杖內情有可原者一面量行  
減省一面具摺奏

聞如此則于恤刑弭旱之意不致稽遲而遵奉  
諭旨因時酌行之處方爲妥協如蒙

俞允臣等遵照通行直省各督撫一體辦理可也奉

硃批依議速行又乾隆八年九月奉

上諭去歲春季京師雨澤稀少朕虔誠祈禱曾降旨將輕  
罪人犯分別減免因推廣于各省如遇災眚之年著該

督撫將清理刑獄之處奏聞請旨又恐各省遠近不同  
請旨行文辦理已不及時因令該督撫除徒流等罪外  
其各案內牽連待質及笞杖內情有可原者一面量行  
減省一面具摺奏聞務使恤刑弭災之意不致稽遲也  
今陳大受奏稱江南海州并所屬之贛榆沐陽二縣今  
夏被災已經咨部省刑但三州縣災眚已成較他處爲  
重減刑之事應請于九月初一日爲始至明年麥熟後  
停止等語夫赦非善政古人論之朕從前所降諭旨原  
爲地方偶有水旱間修省刑之典亦感召

天和之一端非謂災傷之地卽應一例赦罪也今海州旣已成災而始清刑獄是爲時已遲且明示以麥熟爲期則小民無知以爲此半年之間可以觸法觥禁肆行無忌是誘民爲匪也陳大受所見甚爲卑謬朕已于伊摺內批示訓飭恐各省督撫尚有似此錯會朕意者故特降諭旨該部卽行文知之欽此謹查地方祈晴禱雨之時灾象偶形間修省刑之典出自

殊恩應酌量奏辦非可奉爲常例若已經成災事已無及乃明示以赦宥之條起止之限恐小民無知犯法反致擾害善良是以

聖訓精詳承辦最宜得妥惟民迫于飢寒不幸有過失古制經其刑辟以哀矜之地方當災荒之際爭端在所必有一切審斷罪犯如果實係飢寒逼迫所犯甚輕情有可原者用刑擬罪之間或可量從末減隨事定奪以示矜恤之意而約束刁民又宜嚴示懲創使畏法不敢違犯決不可行姑息之政致啟劫奪之漸此際調劑得宜又談何容易哉

開捐助賑  
州縣地方題報水旱偏災多係荒熟相間並非全災而蠲賑之需動輒多致百什萬不等設或被災重大例應普賑為費不貲攸關

開捐助賑

州縣地方題報水旱偏災多係荒熟相間並非全災而蠲賑之需動輒多致百什萬不等設或被災重大例應普賑為費不貲攸關

國用不可不樽節籌畫惟有懸爵賞以勸急公取富民

之有餘補災黎之不足于救荒之策大為有濟古人所謂崇尚義風不與進納同蓋用之于為民在官無所利之也雍正四年總理水利營田和碩怡親王議覆大學士朱 摺奏直隸地方頻罹水患將營田効

方人員分別議敘開列捐款奏明奉

旨依議又乾隆七年八月直隸總督高 刑部侍郎周

以江南淮徐等處連被水災奏請照好善樂施之例  
令各省急公人員出資備賑酌予議敘等因部議條  
欵准令上下兩江收捐于七年十月起定限二年停  
止嗣于乾隆八年六月江督尹 奏請酌減例欵部  
議照本例概行減四收捐并展限一年均奉

旨允准乾隆九年五月都察院左都御史勵 條奏直屬

被災案內撥濟銀米通計二百餘萬現在河間等十  
六州縣加賑未畢次重偏災之大城等十二州縣貧  
民又蒙

特恩賞給口糧將來普賑興工所費不貲請于江南限滿  
停捐之後改于直省收捐助賑現在好善樂輸之例  
捐數雖經減四終覺太多其途亦尚可增益請照營  
田事例收捐經部議奏奉

旨准行成案具在如當必須舉行之時由督撫酌核定議  
入

奏定奪

暫弛海禁

米穀出洋例禁森嚴是以海船食米按其程途遠近  
 舵水商人名數定額給票買備註明照內以備盤詰  
 不容多帶商販米糧俱由內地往來載運不許出口  
 惟地方水旱為災急需賑糶協發隣境倉糧接濟內地  
 水陸道里紆迴遙遠災民懸釜待炊緩不濟急應  
 詳明海運以期迅速或災傷甚重本地殷商巨販肯  
 挾貲赴豐收產米之區購買運回糶濟民食或紳士  
 樂輸捐賑赴外省採買俱可給照海運浙省有行過

成案應

奏明辦理但奸民偷運米穀下海卽非弛禁之時其偏僻海岸巡查不到之處尚多竊運入船今海禁一弛其透漏之弊有不可枚舉者沿海口岸文武官員兵役稽查不易必出于萬不獲已方可舉行非偶遇歉收米貴卽行仿照辦理也

矜恤無告

地方災傷深重米少價昂災民坐困無聊出外求生并向非耕種爲活之肩挑背負手業窮民亦多生意蕭條四散行乞所在多有更有一種老幼男婦久爲乞丐乃因災地求告無門奄奄垂斃均可矜憐地方官旣已煮粥施賑而其中毫無依靠之輩尤宜擇寬大寺院內有隙地者搭造篷廠資其夜宿上用席片芻用稻草苦蓋以蔽風雨地下亦用稻草或蘆席鋪墊以便坐臥其有染病者給予藥餌道途死亡者隨



時捐備棺木收殮并將境內設立義塚段落委員盡數清出陸續掩埋此種費用州縣肯捐俸料理以仁心行仁政上憲定加賞識如力所不能查明庫貯閑欸詳請動支實用實銷亦無不可至于煮粥之法自古行之不須審戶不須防奸可以舉行時下可以救死目前凡窮餓者不分外郡本省不分男女老幼一家三五口但赴廠者一體給食垂死之人晨舉而午卽受惠其效甚速藉以補蠲賑之不及其功更大現行條欸具載前卷仿而行之可也

### 收育嬰孩

民間遺棄嬰兒雖成熟之年亦常有之况年荒米貴窘迫無聊棄置路旁乳食不繼卽時斃命殊堪憐憫地方官原有設立育嬰堂此際當加意整理如經費不敷卽多方設法補助令堂內司事之人按日四散巡查并飭城鄉保甲人等見有路旁遺嬰隨時送堂註冊留養延醫好爲調治一切乳工衣食等項務必如數給與俾各養育存活以推廣

皇仁憲德亦仁政所應行也

撫卹要言

古人云疾疫之災多生于凶荒之歲凡遇荒年宜豫  
爲之防使之不至于飢餓而內傷勞苦而外感積聚  
而旁染是亦救荒之一助也又云救饑者使之免死  
而已當使晨入至巳午而後與之食給米者午時出  
日得一食卽不死矣其力自能營一食者皆不來矣  
比之不擇而與者當活數多倍之也凡賑饑當分兩  
處擇羸弱者作稻粥早晚兩給勿使至飽俟氣稍完  
然後一給第一先營寬廣居處切不得令相藉如作

粥飯須官員親嘗恐生及入石灰或不給浮浪游手  
無此理也平日當禁游惰至其飢餓哀矜之一也又  
曰救荒有二難曰得人難審戶難有三便曰極貧之  
民便賑米次貧之民便賑錢稍貧之民便轉貸有六  
急曰垂死貧民急餽粥疾病貧民急醫藥病起貧民  
急湯米既死貧民急墓瘞遺棄小兒急收養輕重繫  
囚急寬恤有三權曰借官錢以糶糴興工作以助賑  
貸牛種以通變有六禁曰禁侵漁禁攘盜禁遏糶禁  
抑價禁宰牛禁度僧有三戒曰戒遲緩戒拘文戒遣

使又云賑饑莫要乎近其人以上古語皆言簡意該

故採錄于此以備披覽亦集思廣益之一助也

附錄  
明林

希元荒政叢言疏 一二難曰得人難者蓋為政在  
人况救荒無善政使得人猶有不濟况不得人乎如  
常平義倉之法在耿壽昌長孫平行之則為良後世  
踵之則有弊其故何也正以不得其人耳今各處災  
傷民罹凶厄陛下隱念至動府庫百萬之財盡不愛  
以養蒼生此真愛民如子之心生靈不世之遇也使  
不得人以行之臣恐措置無方奸弊四出飢者不必  
食食者不必飢府庫之財徒為奸雄之資百萬之費  
不救數人之命此臣所以深憂過慮也然所謂得人  
者非特府縣官凡分委賑濟官者皆所當擇而不可  
苟者昔富弼青州賑濟其所用之人則除著州縣正  
官外就前資及文學等府佐領官擇有廉能者用之  
夫有歐陽修以主賑濟則府縣正官不用擇所當擇  
者分委賑濟之官今不得如歐陽脩者主賑濟則主

賑濟者府縣正官之職所當精擇而擇委官又其責也臣愚欲令撫按監司精擇府縣正官廉能者使主賑濟正官如不堪用可別簡廉能府佐或無災州縣廉能正官用之蓋荒事處變難以常拘也至于分賑官員可令主賑官各就所屬學職等官又待選舉人監生等人員擇素有行義者每廠一員為主賑又擇民間有行義者一人為者正數人為者副使監司巡行督察各廠所至考其職業書其殿最並開具揭帖事完官上之吏部府縣學職等官視此為黜陟舉人監生等人員視此為除授民上之撫按有功者以禮獎勞仍免徭役有過者分別輕重懲治不恕如此則人人有所激勸而荒政之行或庶幾矣曰審戶難者蓋賑濟本以活窮民夫何人情狡詐姦欺百出乃有頗過之家濫支米食而窮餓之夫反待斃茅簷寄耳目于人則忠清無幾樹衡鑑于上則明照有遺此審戶所以難也古云救荒無善政正坐此耳昔宋富弼青州賑濟流民古今所稱臣謂此殆不難何也民至于流即當賑濟無事審戶何難之有惟夫土著之

民飢飽雜進真偽莫分此其所以難也邇時官司審戶有委之里正者矣有親自抄劄者矣有行賑粥之策者矣然皆不能釐革奸弊何者以臣所見言之臣昔待罪泗州適江北大饑臣始至稽其簿籍本州已賑濟兩月倉庫錢糧已竭矣而民父子相食者不能救盜兵潢池者日益熾臣深求未得其故既而見民有投子于淮河者問其賑濟則曰無錢與里書不得報名也又審賊犯于獄問其賑濟則曰未也而稽其簿籍已支兩月糧蓋里書之冒支也又收飢草于野問其賑濟則曰無有何以不濟曰戶有四口二口支糧月支三斗道途往復已費其半一口支糧四口分之每口只得六七升是以不濟也此按籍之弊也此里正之不足任也臣既灼知其弊乃親自抄劄則纔入其鄉而告飢者塞途真與偽莫之辨也既而浴門審驗則一日不能十數家千萬飢民已不能徧而分委之人其弊與里正亦不甚相遠此親自抄劄之難也及廷臣建議賑粥其說以為窮餓不得已者始求食不須審戶可得飢民臣始是其議用意推行不知

歲既大飢民多鮮恥飢飽並進真偽莫分甚至富家  
 伴僕報名食粥窮鄉富人遣人關支臣因痛加沙汰  
 追罰還官者無數是賑粥之法亦難任也故曰三者  
 皆不能釐革奸弊者此也昔宋蘇次參澧州賑濟患  
 抄割不公令民用紙半幅土書某家口數若干合清  
 米豆若干實貼各人門首壁上如有虛偽許人告首  
 甘伏斷罪以備委官檢點古今以為良法但以臣觀  
 之門壁之貼未必從實檢點之官未必得人安能可  
 以保其革弊而絕無欺偽于其間也然則終無策與  
 臣愚欲分民為六等富民之等三極富次富稍富貧  
 民之等三極貧次貧稍貧不勸分稍貧不賑濟  
 極富之民使自檢其鄉之稍貧者而貸之銀次富之  
 民使自檢其鄉之次貧者而貸之種非特欲借其銀  
 種也欲于勸分之中而寓審戶之法也何者蓋使極  
 富之民出銀以貸稍貧彼必度其能償者方借而不  
 借者即次貧也使次富之民出種以貸次貧彼必度  
 其能償者方借而不借者即極貧也不用耳目而民  
 為吾耳目不費吾心而民為吾盡心法之簡要似莫

有過于此者責委官者逐都推勘隨戶品題既皆的  
 實然後隨等處分賑濟則府庫之財不為奸雄之資  
 而民蒙實惠矣或曰貧分三等流民何居臣曰流移  
 之民雖有健弱不一然皆生計窮盡不得已棄鄉上  
 而仰食于外與鰥寡孤獨窮乏不能自存者何以異  
 雖謂之極貧可也臣故曰不須審戶即當賑濟者此  
 也 二三便曰極貧之民便賑米者臣按宋富弼青  
 州賑濟流民所支米豆十五歲以上每口日支一升  
 十五歲以下每口日支五合仍歷子頭上分明算定  
 一家口數一官如管十者即每日支兩者逐者并支  
 五口口食河北流民賴以存活者五十餘萬人此荒  
 政之最善古今所稱近時官司賑濟多有之而專  
 賑米者然以臣觀之若次貧稍貧人戶家道頗過不  
 幸而際凶歉之年生理雖艱猶未至懸命朝夕且其  
 力能營運不至束手待斃使其終日蔽蔽而守升合  
 之米彼故有所不屑者且欲食之民略無涯限倉廩  
 之積豈能盡濟唯夫極貧之民室如懸磬命在朝夕  
 給之以米則免彼此交易之難抑勒虧折之患可濟

目前死亡之急此其所以便也其法大口日支一升  
 小口半之入口之家四口給米四口之家二口給米  
 非不欲盡給之也民無窮而米有限窮餓之民日得  
 米半升亦可以存活矣隨飢口多寡不分流移土著  
 合就鄉集立厰每厰賑濟官給與長條小印上刻其  
 厰極貧飢民以油和墨印誌于臉每人給與花關小  
 票上書年貌住址如係一家即同一票五日一次赴  
 厰驗票支米十人為甲甲有長五甲為郡郡有老每  
 甲一小旗旗上掛牌牌書十人姓名甲長執之每郡  
 一大旗旗上掛牌牌書五甲姓名郡老執之群以千  
 字文給號當給之日俱限已時郡老甲長各執旗牌  
 率領所屬飢民挨次唱名給散每口一支五升每甲  
 五斗每郡二石五斗郡甲之糧只給長老使之給散  
 必印臉驗票者防其偽也必群分旗引者防其亂也  
 必一時支給者防其重疊也必總領細分者省其繁  
 且遲也每厰給與印文簿將飢口支糧數目逐一造  
 報以憑稽考仍給升一五升斗一五斗斛一當官印  
 烙發付印用其發米下船如不係沿流及產米去處

難于搬運則散銀各厰官耆令就本鄉富戶烙依時  
 價糴買或本鄉富民粟盡可令飢民遠就有粟去處  
 一頓關支亦移民就粟之意也曰次貧之民便賑  
 錢者臣按董蠅救荒活民書謂支米最不便弊又多  
 不係沿流及產米去處搬運脚費甚大不如支錢最  
 省便更無偽濫之弊小民將錢可以抽贖典過斛斗  
 或一斗米錢可買二三斗雜斛以二三升伴和野菜  
 煮食則是二斗雜斛可供一家五七口數日之費其  
 說是矣近時官司賑濟多有用之而專賑錢銀者然  
 以臣觀之極貧之民室如懸磬命在朝夕若與之錢  
 銀未免求糴于富抑勒虧折皆所必有又交易往還  
 動稽時日將有不得食而立斃者矣可謂便乎唯次  
 貧之民自身既有可賴而不甚急得錢復可營運以  
 繼將來此其所以便也其法八口之家四口支錢四  
 口之家二口支錢每口所支折銀二錢編群給票亦  
 准極貧印誌旗引則不必用支錢于穿錢繩索係以  
 錢舖散者姓名支銀于包銀紙面印誌銀匠散者姓  
 名如有低偽消折聽其赴官陳告坐以侵漁之罪如

先文揖要卷八、撫卹要言

十四

是則法不生奸而民蒙實惠矣然塊銀細分必有虧折如銀十兩散五十人每人二錢必虧五六七厘此臣所經驗也要不若散錢為尤便且貧民以銀易錢又有抑勒虧折之患也曰稍貧之民便轉貸者臣按出官粟以貸貧民者古之義倉是也勸民粟以濟貧民者今之納例是也今臣所謂轉貸者借民財以借貧民而不費官財酌二者之間而參用之也夫稍貧之民較之次貧生理已覺優裕似不待賑濟然時當荒歉資用不無少欠不可全不加念是故不之濟而之貸也然欲官自借之則二貧之給錢穀亦或不敷若使富民借之則民度其能償必無不可故使極富之民出財以借官為立券豐歲使償只收其本不收其息貧民得財而有濟富民捐財而有歸官府無施而有惠二舉而三得備焉此其所以便也其法八口之家四口借銀每口二錢自正月至四月總四月之銀一次盡給之待其展轉營運亦可以資其不足而免于匱乏矣一人所借多至二百口少不下一百口若本鄉無富民則借之外鄉並官立文冊事完之日以禮獎勵免幾年徭役作之有道則民自樂于供輸矣 三六急曰垂死貧民急餽粥者臣按作粥以伺飢民昔漢獻帝蓋嘗行之後世多有而專賑粥者但以臣觀之次貧之民生計未急日授之米已有所不屑而况粥乎極貧之民生計雖急而給之粥亦急甚殊早關晚放人弗自便氣蒸疫作死亡相繼始也不得已扶攜強健而入厥終也不得去空拳匍匐而出門此所以不願也臣昔泗州親見之審矣若夫垂死之民生計狼狽命懸頃刻若與極貧一般給米則有舉火之艱將有不得食而斃者矣惟與之粥則不待舉火而可得食涓勺之施遂濟須臾之命此粥所以當急也必于通都大衢量搭小廠亦設官者令其領米作粥流莩所過並聽就食但人餓既久腸胃噎寒乍飽多死粥要極稀毋令至飽當漸以與之待氣完體壯然後與極貧一體賑米然作粥之法又慮生熟不齊參和灰水之弊要在委任得人則民蒙實惠矣或曰賑粥之法昔大臣嘗行于江北今子三

荒政輯要卷六 撫恤要言 七五

貧之賑不知取獨取而用于垂死貧民也臣曰昔江北之大飢也民餓死與為盜正在十一年十二月之間臣至多方賑濟稍健能行在隨口給米弱憊不能行者為湯粥飼之及正月月初廷臣建議賑粥民多不願臣乃試為二廠一賑粥一賑米民皆舍粥而趨米臣因與面論可否其說鑿鑿可聽臣不能奪乃一意推行而更得法然行之未久而弊何也飢飽混進而糜費浩繁疫癘盛行而死亡枕籍當日上司目擊其弊故行之不兩月羽書星馳令停粥而給米則上司已知其法之不可行而自改之矣臣目擊其弊乃多方澄汰亦只查革得一二續因飢民病愈乞歸遂給米散遣之難以賑粥造報則賑米者半月則臣已知其法之不可行而陰改之矣然臣始至泗州也親見飢民立死乃亟行賑濟城郭餓莩既仆者欲仆者亟取米飲灌之旋以稀粥接續與食既仆者十救五六欲仆者全救因思垂死飢民非粥決不能救又不可緩若夫三貧之賑決不可用乃知昔人此法實為垂死飢民而設擇羸弱給粥候氣完然後一給則宋儒

程頤之論實有見矣今臣三貧之賑去粥不用而獨用之垂死貧民者豈空言無據哉或曰賑粥民既不用又有濫食者何也臣曰不願食者貧民其濫食者非貧也曰疾病貧民一食尚艱求藥問醫于何取給昔宋疫癘極貧之民一食尚艱求藥問醫于何取給昔宋趙忬知越州為病坊以處病民給以醫藥者正為此也往時江北賑濟官府亦發銀買藥以濟病民然散無法督察無方醫人領銀不盡買藥而多造化銷窮民得藥初不對病而全無實效今各處災傷重大貧民疾病所不能免臣愚欲令郡縣博選名醫多領藥物隨鄉開局臨證裁方郡縣印設花關小票發各廠賑濟官令多出榜文播告遠近但是飢民疾病並聽就廠領票赴局支藥仍開活過人數並立文案事完連冊繳報以憑稽考濟人多寡量行賞罰侵剋錢糧照例問遣如是則病者有藥而民免于天札矣或與賑濟而中羅疾病逮疾病新起元氣初復正當將息之時也而筋力頹憊不能赴廠支米若非官為

堯文輯要卷六 撫恤要言

七



之所則呻吟床簀之上。有枵腹待斃者矣。臣昔泗州賑濟四月，疫作見飢民多病，不能赴廠食粥。因遣人訪問其家，則有患病新瘥，欲食而無所仰者。乃遣人沿門搜訪，但是疾病新起，貧民每人給米一升，五合。三日內，外散米一十一石七斗，而濟病民八百二十。二名口所費不多，全活者衆。今各處災傷重大，民病有所不免。臣愚欲令各廠賑濟官遣人沿門搜訪，但是患病新起，貧民俱日給米五合一支，五日使其旦夕燒湯，不時飡飲，待元氣既復，膚體既壯，方發飢民。廠照舊支米，則病起有養，而民免于橫死矣。日既死，貧民急瘞者，蓋大荒之歲，必有疾疫流移之民。多死道路，不為埋瘞，則形骸暴露，臭薰蒸仁者所不忍也。故先王有掩骼埋胔之令。宋仁宗有官為埋瘞之詔，良有以也。然死者人所畏惡，責人以所惡其從則難誘，人以所以利其趨，甚易。臣昔在泗州，見郡縣差官給銀買蓆瘞屍，督責雖嚴，而暴露如舊。臣知其故，乃擇地勢高廣去處，為大塚，榜示四方軍民，但有能埋屍一軀者，官給銀四分，或二分，每鄉擇有物力。

行義者一人，領銀開局，專司給散。各廠賑濟官給與花闌小票，凡埋屍之人，每日將埋過屍數呈報該廠。領票赴局驗票支銀，事完造報，以便查考。埋過屍骸，逐日表志，以待官府差人看驗。此令一出，遠近軍民趨者如市，數日之間，野無遺骸，官不費力而死者有歸。至簡至便，今日各處災傷疫癘，不無飢死轉死，所不能免。如臣之法，似可行也。日遺棄小兒，急收養者，蓋大饑之年，民父子不相保，往往棄子而不顧。臣昔在泗州，見民有殺子于淮河者，有棄子于道路者，為之惻然。因思宋劉彝知處州，嘗給米令民收棄子，乃倣而行之。置局委官專司收養，令日凡收養遺棄小兒者，日給米一升，一支五日，每月抱赴局官看驗。飢民支米之外，又得小兒一口，之糧遠近聞風，爭趨收養。甚至親生子，于河于道者，今各處災傷去處，若有遺棄小兒，如臣之法，似可行也。日輕重囚繫，急寬恤者，臣按周禮荒政十有二三，曰緩刑，蓋民迫于飢寒，不幸有過，失緩其刑，罰所以哀矜之也。况年當荒歉。

荒政輯要卷之六

撫恤要言

十七

疫癘甚行獄囚聚蒸厥害尤甚若不量為寬恤則輕重罪囚未免罹災橫死故充軍徒罪追贓不完久幽囹圄者必量情輕重暫為釋放絞斬重罪有礙釋放者必疎其枷扭給以湯藥如此則輕重罪囚各獲其生無天札之患矣然囚繫既急寬宥則凡戶婚諸不急詞訟當且停止恐負累飢民及妨悞賑濟此又不可不知也四三權曰借官錢以糴糶者蓋年歲凶歉則米穀湧貴富民因之射利貧民因以艱食昔宋吳遵路知通州適災傷民多流轉遵路勸官家得錢萬貫遣衙吏散出收糶米豆歸本處依原價出糶民謂之便今既勸富民出貸貧民又借其財以糶糶則民不堪矣臣愚欲借官帑錢銀令商賈散往各處糶買米穀歸本處依原價量增一分為搬運脚力一分給商賈工食糶盡復糶事完之日糶本還官官無失財之費民有足食之利非特他方之粟畢集于我而富民亦恐後時失利爭出粟以糶矣然糶之法為濟貧商賈轉販所當禁革又當徧及鄉村不得只及坊郭則貧民方沾實惠或曰宋蘇軾浙中賑濟謂

只將常平斛斗出糶則官司不勞抄勘會結納煩費但得數萬石斛斗在市自然壓下物價境內百姓人人受賜董煟以為良法遂建救荒三策而以是為首今三貧之賑而不之取何也臣曰大饑之歲三貧俱困安得許多銀可糶米豆而糶買者多商販或富民也故其策不可用蘇軾之行于浙中者或未至于大饑也曰興工役以助賑者蓋凶年饑歲人民缺食而城池水利之當脩者在有之窮餓垂死之夫固難責以力役之事次貧稍貧人戶力任興作者雖官府量品賑貸安能滿其仰事俯育之需故凡圯壞之當脩湮塞之當濬者名民為之日受其直則民出力以趨事而因可以賑飢官出財以興事而因可以賑民是謂一舉而兩得于工役之中而有賑濟之助者昔宋熙寧七年河陽災傷常平倉賑濟斛斗不足詔賜常平倉萬石興脩水利以賑濟飢民董煟謂此以工役賑濟者今之大臣蓋常用之于宰縣之日臣昔師其意而行之于泗州既有效者今各處災傷似可用也或曰荒年財力方屈凡百工力皆當停止故周

荒政輯要卷之六 撫恤要言

六

禮荒政有弛力之令今子乃欲興工力何也臣曰荒  
年工役之停止者蓋謂官室臺榭之類之可已者若  
夫城池之禦侮水利之資農皆荒政之所不可已者  
府庫之財自有應該支用而不于賑濟之數若里甲  
之類者臣在泗州蓋嘗支用而不碍于賑濟者矣臣  
興工役之策復何疑哉曰借牛種以通變者蓋飢  
饉之後賑濟之餘官府左支右吾府庫之財亦竭矣  
民方艱食之際只苟給目前固不暇為後圖幸而殘  
冬得度東作方興若不預為之所將來歲計復何所  
望故牛種一事尤當處置若燕慕容皝以牛假貧民  
宋仁宗發粟十萬貸民為種為是故也今府庫之財  
既殫于賑濟如欲人人而與之牛則都里之民甚多  
一牛之費甚大欲人人而與之種則缺種之戶不少  
府庫之財莫續是難乎其為圖臣昔在泗州承上司  
文移上里與牛六具種若干中里與牛五具種若干  
下里與牛四具種若干臣名父老計之其法難行乃  
自立法逐都逐邑差人查勘有牛有種者幾家有牛  
無種者幾家有種無牛者幾家牛種俱無者幾家有

牛者要見有幾具有種者要見有眾多寡通行造報  
乃為處分除有牛無種有種無牛人戶聽自為計外  
無牛人戶令有牛一具帶耕二家用牛則與之共養  
失牛則與之均賠無種人戶令次富人戶一人借與  
十人或二十人每人所借雜種三斗或二斗耕種之  
時令債主監其下種不許因而食立契付債主收執  
主就田扣取不許因而拖負官為立契付債主收執  
此法一立有牛種者皆樂于借而不患其無償缺牛  
種者皆利于借而不患其乏用臣半月之間凡處過  
牛一千九百六十五具種八百四十七石銀一百七  
十五兩處給一州缺牛種人戶計四千八百五十六  
家此于財匱之時得通變之術時江州縣多有做  
行者今各處災傷重大如臣之法似可用也然臣昔  
在泗州不曾定六等人戶故須臨時查勘今既定民  
為六等則稍貧者不待給次貧者令次富給之不待  
臨時查勘矣或曰次貧之民既有次富之民出種借  
之極貧之民則何所借臣曰極富之民既借之銀次  
富之民既借之種不可復借矣要極貧之中無田地

先文輯要卷之五、撫恤要言

者多若有田地者再處一月之糧而一給之則其事盡濟矣五六禁曰禁侵漁者蓋人心有欲見利則動朝廷發百萬之銀以濟蒼生而財經人手不才官吏不免垂涎官者正副類多染指是故銀或換以低假錢或換以新破米或插和沙土或大入小出或詭名盜支或冒名關領情弊多端弗可盡舉朝廷有實費而民無實惠者皆侵漁之患也昔王莽時南方枯旱流民入關者數十萬人置養贍院廩之吏盜其廩餓死十七八夫盜廩之弊豈特莽時為然自古及今莫不然也不重為禁可乎臣按大明律凡監臨主守盜倉庫錢糧者問罪刺字至四十貫者斬問刑條例宣大榆林等處乃沿海去處監臨守盜糧二十石銀一十兩以上者發邊衛充軍臣愚以為賑濟錢糧人民生死所係若有侵盜其罪較之盜宣大沿邊等錢糧者為尤大其情尤為可惡合無分別等第嚴立條禁凡侵盜賑濟錢糧至一兩以上者問罪刺字發附近充軍十兩以上者刺字發邊衛永遠充軍至二十兩以上者處絞按律殺人者死侵盜賑濟錢糧至二十

十兩以上致死飢民不知其數處之以死豈為過乎重禁如此庶侵漁者知儆飢民庶乎有濟矣曰禁攘盜者蓋人有恒言飢寒起盜心荒年盜賊難保必無縱非為盜之人當其缺食之時借于富民而不得相率而肆劫奪者往往有之于此不禁禍亂或由以起周禮荒政十二有除盜之條辛棄疾湖南賑濟嚴劫禾之令正為此也然處之無方則禁之不止民迫于死亡方且僥倖以延旦夕之命豈能禁之使不攘盜乎臣昔至泗州適江北大飢盜賊蜂起臣先賑濟招撫次斬捕凡賑過飢民三千四百口撫過飢民四百五十口捕過撫而復叛飢民六十口而盜始大靖今各處災傷重大盜賊攘奪難保必無若官府賑濟未及而猶犯是真亂法之民也決要懲治然不預先禁革待其既犯遂從而治之是不教而殺謂之虐也必有也嚴加禁革攘盜者問罪枷號為盜者依律科斷如有過犯不得輕宥如此則人知警懼而不敢犯禍亂因可以弭矣曰禁閉糴者嘗見往時州縣官司各專其民擅造閉糴之令一郡飢則鄰郡為之閉糴

一縣飢則隣縣為之閉糴臣按春秋之時諸侯竊地專封固不以天下生民為念然同盟之國尚有恤患分災之義秦飢晉閉之糴春秋誅之况今天下一家民無爾我均朝廷赤子乃各私其民遇災而不相恤豈吾君子民之意萬一吾境亦飢又將糴之誰乎是欲濟吾民而反病吾民也謂宜重為之禁令後災傷去處鄰界州縣不得輒便閉糴敢有違者以違制論如此則爾我一體有無相濟非惟彼之缺食可資于我而已之缺食亦可資于人矣曰禁抑價者蓋年歲凶荒則米穀湧貴嘗見為政者每嚴為禁革使富民米穀皆平價出糶不知富民慳吝見其無價必閉穀深藏他方商賈見其無利亦必憚入吾境是欲利小民而適病小民也昔范仲淹知杭州兩浙阻飢穀價方湧斗計百二十文仲淹增至百八十衆不知所為仍多出榜文具述杭飢及米價所增之數于是商賈聞之晨夕爭先恐後且虞後者繼至于是米石輻集價值遂平今各處災傷若抑價有禁參用范仲淹之法則穀價不患于騰湧小民不患于艱食矣曰

禁宰牛者蓋年歲凶荒則人民艱食多變鬻耕牛以苟給目前不知方春失耕將來歲計亦旋無望臣按問刑條例私宰耕牛再犯累犯者俱發邊衛充軍弘治十六年九月初一日又節該欽奉聖旨私宰耕牛今後違犯照例治罪每宰牛一隻罰牛五隻欽此夫耕牛私宰在平時尚有厲禁况荒年宰殺必多所關尤大不為之禁可乎然徒為之禁而不為之處彼民迫于死亡有不願死而苟延旦夕者况充軍乎有同類之人父子相食而不顧者况牛乎謂宜預為禁處凡民間耕牛不許鬻賣宰殺賣者價銀入官殺者充軍發遣如果貧民不能存活欲變賣者價銀入官殺者充呈告官令富民為之收買仍赴牛主收養待豐年聽民販賣或牛主取贖如此則牛可不殺而春耕有賴民獲全濟而官本不虧臣昔在泗州蓋嘗行之而已後期今各處災傷宜勅所在官司早為禁處斯可以濟矣曰禁度僧者蓋見往時歲飢多議度僧賑濟殊不知一僧之度只得十金之入一僧之利遂免一丁之差十年免差已勾其本終身游手利不可言

况又坐享田租動以千百富僧淫佚多玷清規汗人  
 妻女大傷王化是謂害多于利得不償失事不可行  
 理宜深戒昔宋孝宗淳熙九年勅令廣東福建帥臣  
 曉諭願為僧道者每名備米三百石請換度牒一道  
 續恐米數稍多特減五十石臣按宋人全失中原財  
 賦之入已窘又苦于歲幣之需一遇飢荒故不得已  
 而出度僧之策然猶一僧換米三百石其不輕易如  
 此今國家財賦既倍于宋蠻夷歲貢無復需幣其財  
 用既不若宋人之窘迫乃因荒年給度又一僧只易  
 其十金所獲不多而受此不美之名何也故宋人之  
 策不可復用度僧之事決不可行今各處災傷重大  
 恐有偶因費廣復建此議者所當禁也乎六三戒曰  
 戒遲緩者臣聞救荒如救焚唯速乃濟民迫饑餒其  
 命已在干旦夕官司乃遲緩而不速為之計彼待哺  
 之民豈有及此遲緩所當戒也昔宋蘇軾與林希  
 書云朝廷原謂儲備熙寧中本路截發及別路般來  
 錢米并因大荒放稅及虧却課利益累百鉅萬然于  
 救荒初無分毫之益者救之遲故也然遲之一言豈

但熙寧一時為然自古及今莫不然也臣昔在泗州  
 適江北大飢府縣九月十月賑濟皆是虛文而民飢  
 死正在十一十二兩月及至正月而差官發銀始至  
 蓋亦坐遲之病也今宜以此為戒嚴立約束申戒撫  
 按二司府州縣各該大小賑濟官員凡申報災傷務  
 在急速給散錢糧務要及時申報災傷與走報軍機  
 同限失悞飢民與失悞軍機同罰如此則人人知警  
 待哺之民庶乎有濟矣日戒拘文者嘗見往時州  
 縣賑濟動以文法為拘後患為慮部院之命未下則  
 撫按不敢行監司之命一行則府縣不敢拂不知救  
 荒如救焚隨便有功唯速乃濟民命懸于旦夕顧乃  
 文法之拘欲民之無死亡不可得也朝廷雖捐百萬  
 之財有何補哉昔漢河內失火延燒千家汲黯奉使  
 往視以便宜持節發倉廩以賑濟貧民宋洪皓秀州  
 賑濟寧以一身易十萬人命截留浙東綱常平米斛  
 以賑濟仰哺之民此皆能便宜處事不為文法所拘  
 者也令各災傷去處宜告戒撫按司府州縣等官凡  
 事有便于民或上司隔遠未便得請事有妨碍者並

堯文要言卷一、撫恤要言

三

聽便宜處置先發後聞唯以濟事爲功不得拘牽文  
法致悞飢民有辜朝廷優恤元元之意則大小官員  
得以自遂而飢民庶乎有濟矣日戒遣使者臣嘗  
見往時各處災傷重大朝廷必差遣使臣分投賑濟  
此固軫念元元之意然民方飢餓財方匱乏而王臣  
之來迎送供億不勝勞費賑濟反妨實惠未必及民  
而受其病者多矣臣愚以爲各處撫按監司未必無  
可用之人顧委之何如耳莫如專勅撫按官員令其  
照依朝廷議擬成法仍隨所在民情土俗參酌得中  
督責各道守巡等官分督州縣着實舉行事完之日  
年稍豐稔分遣科道各處查勘王命所在誰敢不盡  
心點涉所關誰敢不用命較之凶歉之際差官往還  
徒爲紛擾者萬不侔矣

### 勸課農工

一耕貴熟農書云農家栽禾啟土九寸爲深三寸爲  
淺地之高下有氣脉所行而生氣鍾其下者有氣  
脉所不鍾而假天陽以爲生氣者故原之下多土  
骨而隰之下皆積泥啟原宜深啟隰宜淺深以接  
其生氣淺以就其天陽蓋土骨如人身之經絡而  
積泥如人身之餘肉耳經絡者氣血流行之所餘  
肉者塊然附贅之區此淺深隨宜之法不可不知  
也然或深或淺要以耕犁透熟爲主必將鬆土翻

抄往來數次使田無不耕之土斯土無不毛之病  
若耕之不徧雖所餘徑寸地古人所謂鎡鋌寸隙  
他日禾根適當之則詰屈不入葉雖生必以漸而  
萎至于濯濯然俗所云縮科是已農夫能知淺深  
透熟之理則耕法始得每田一畝歲可多穀加倍  
其他雜糧蔬菜皆當依此耕法也

一種貴良農政全書云草木之生其命在土生成變  
化不離土氣踵踵相接生生無已焉若脫土久氣  
不連屬生之雖具于胎成之則不全其數或半途

而剝或成穗而秕故收種者當于冬至之後熟治  
高土散布其上覆以多草障蔽鳥雀壅以糞灰滋  
潤燥枯至清明時沃之使芽除草溲糞頻助其長  
此第一義也其次草裏美種縣之風簷季春之始  
置諸深汪勿令近泥半月氣足布地而芽此雖不  
傷已落第二義矣但世俗浸種晝沉夜眠會釀鬱  
蒸逼之使速胎中受病拔不可去長芽嫩脆拋撒  
下田跌撲折損種種不免迷而不晤不知何見耳  
一耘貴淨天生五穀所以養人貴物也貴則難成而



易傷稂莠草之害苗者賤物也賤則易生而難制  
毋論一田之中惡草夾雜立見其荒卽一區之間  
一草挺生則四旁之禾因之退縮收成時穀數遂  
至減少故上農智力兼至于根芽未萌之前先有  
以治之是以用力少而成功多其次已萌而治之  
若萌而不治則農之事已失乃惰民也萌而治之  
法有二一曰耘工夫熟徧數多務使寸草不留嘉  
禾林立全畝之地氣悉歸于禾根而不爲他物所  
分是爲盡人事以待天時再曰盪農書云搗盪雖  
以去草實以助苗蓋田之浮泥易行橫根而下之  
實土難以頂本頂本者直下命根也頂本入土不  
深橫根布于泥面則得土之生氣不厚枝葉雖繁  
抽心不茂矣搗盪欲斷其泥面橫根使頂本入土  
深受積厚多生之氣其後抽心始高結穗長碩浙  
西農多土窄耕法精詳浙東山陬海滋地土甚廣  
耕耘之事多忽焉不講常見災田枯禾間于密草  
之內其盤結而輔翼者草之勢轉盛于苗此雖雨  
暘時若之秋亦必顆粒無收乃灾于人非天災也

其他如瓜畦豆圃衆草尤加滋蔓農家能各務精勤凡田地之內有草必除治于未萌之先復治于已萌之後功夫由漸而深地利維勤乃獲其試思之

一糞貴足農桑通訣曰田有良薄土有肥磽耕種之事糞壤爲急糞壤者所以化磽土爲肥土農書曰禾苗資土以生土力乏則衰沃之所以助土力之乏易田併兩歲之力不壯則不能兼收所生以致倍然沃助其衰壯求其倍勢也猶有不待其衰未

禾而先沃于白塊之間者此素問所謂滋化源之意耳滋其衰者過滋或至于不能勝而病矣滋源則無是也農民能知糞田之法未治田先積糞隨地隨時豫爲漚罨窖熟待時而用無過不及大約一畝稻田內須下六七擔糞少卽無濟糞有踏糞泥糞草糞苗糞火糞灰糞及禽獸羽毛牲畜便溺皆可肥田隨地所宜可耳

一勿貪多東南田畝以歲收兩熟爲常兩熟者春二麥秋禾稼也然老農深知地理以二麥能耗土膏

每于冬間先種油菜勤加糞壅葢菜爲易生之物  
糞以助菜實以肥田此最得種植之法容有貪多  
無厭旣收菽麥之利復欲兼收早晚二禾于已插  
早禾田內將晚禾相間栽插早禾于六月中登場  
其時晚禾正屈曲不舒其後雖獲暢遂而時氣已  
逾揚花吐穗終覺力薄若浙中斥鹵之地必藉天  
雨滋養欲早晚並收烏可得乎大抵濱海宜早禾  
沿河宜晚禾山鄉宜中禾農家能知地力有限不  
容貪多或早或晚因地專種則獲利自多不至兩  
失矣

區種稻法

區種之法不論地土之肥磽隨地多少皆可種植每區計地一尺五寸每畝積算二千六百五十區止種六百五十區一區可收穀七升八升不等大旱亦可得穀三四升洵爲備荒之良法王禎曰蔡攸汜勝之書及務本書謂湯有七年之旱伊尹作爲區田教民糞種負水澆稼諸山陵傾坂及田止城上皆可爲之其區當于閒時旋旋掘下正月種春大麥二三月種山藥芋子三四月種粟及大小豆八月種二麥豌豆

隨時爲之不可貪多夫豐儉不常天之道也故君子  
貴思患而預防之是知此法由來甚古特爲採集古  
今人傳播成式條列于左以俟留心者做而行之可  
使游惰之人各務精勤凶年又免饑饉一舉而兩得  
也

一每田一畝闊一十五步每步五尺計七丈五尺每  
行一尺五寸該分五十行長一十六步計八丈該  
分五十三行長闊總算通共二千六百五十區每  
區四方各一尺五寸見方二尺二寸五分空一行

種一行隔一區種一區可種六百五十區不種旁  
地以收地方

一區田畫就每區挖深一尺將鬆土起出

此就應種  
之六百五

十區再起出鬆土寸許用熟糞一升與寸許土和  
勻歸入區內將籽種均勻撒在上面用手在糞土  
上按實使土與籽種相粘然後將起出之鬆土覆  
上且勿蓋滿俟穀芽將探起時漸漸添土鋪平隔  
處便人入內澆灌耘鋤諸事

一苗出時相去一寸半留一株區之邊上多留一株

每行十一株此是區內種稻之行非即前每行寬闊之行也每區得一百

一十株只看粗壯好苗約估揀留不必逐株細數

總不可貪多收成時自然獲利區有四邊邊上多留一株靠一邊留

空三邊也

一禾苗留足之後俟當鋤之時製一小鐵鋤寬一寸

長四寸鋤去野草如鋤過八徧草盡土鬆結子飽

滿禾穗長大如肯加功勤鋤即尋常種植收成猶

多况區田乎

一區田禾穗長大所結穀粒甚重定要下墜况遇大

風搖擺一經臥倒便恐傷損須于苗出有尺許長

時即用土壅漸長漸壅遇大風不致吹倒矣

一凡田不論美惡總須糞以肥之况區田既不擇地

未必皆屬沃土糞壤最為要緊積糞之法多端總

在人隨地土之寒熱所宜隨時漚糞窖熟以備臨

時之用按農桑要訣曰田有良薄土有肥磽耕種

之事糞壤為急糞壤所以變薄田為良田化磽土

為肥土也田畝歲歲種之土敝氣衰生物不遂必

儲糞朽以糞之則地方常新而收穫不減踏糞之

法凡人家于秋收場上所有穢穢等物並須收貯一處每日布牲畜脚下二三寸經宿蹂踐便溺成糞平旦收聚除置隙地堆積之每日如前法至春可得多糞又將稻草灰撒入豬圈內便溺踐踏至溼透再撒平地積起一二尺俟豬出圈時可得糞數十担苗糞者綠豆爲上小豆胡麻次之蠶豆大麥皆好漑種長大淹殺之爲春穀田其美與熟糞同草糞者于草盛時芟倒就地內掩菴腐爛其土肥美地力不衰火糞者積腐藁敗葉剗薙枯朽根芟徧鋪燒之則土煖而爽及初春再三耕耙而以窖菴之糞壤壅之又積土同草木堆疊燒之土熟冷定用碌軸碾細用之南方地冷應用火糞又于冬春之際將山上雜草縱火燒之俟得雨灰水流入田內亦屬肥美泥糞者于溝港內取底泥掀撥岸上雜以青草日久凝定內中熱爛裁成塊子担置田內最爲得力又凡退下禽獸羽毛積之成糞更屬肥澤勝于草糞又山泉寒冷或以石灰爲糞土暖而苗易發用糞之法貴適乎中生糞峻熱多

用反能殺物治田之家應于田頭置磚檻窖熟而  
用之熟糞非燭燒  
蒸煮之謂然雖熟亦不得多用多用者須  
于臘月下之其田最美

一澆灌之法總無一定要看土之乾溼乾則量澆使  
其潤而不枯溼則停澆不致單長苗梗而不結實  
凡田以近水爲上而不能處處近水則取水之法  
務在因地制宜或引池塘溪澗或置水庫或鑿井  
汲溉或擔取區田用水不比尋常禾田但能積水  
滋養雖旱亦易爲力也

一凡高原平坂正陂及宅傍空隙場地但以一尺五  
寸畫區雖奇零尖斜橫曲無不可做其區當于閒  
時慢慢開掘弗貪安逸致臨時急促田多之戶餘  
田照常栽種外量種二三畝區田豐年固可倍收  
卽大旱亦有區田所得足資口食田少之戶儘可  
竭力行之以收水旱無虞之利大率一家四五口  
可種區田一畝多者增加少者弟兄子姪合種一  
畝或分區各種無不可也



區種豆麥

區種大豆法坎方深各六寸相去二尺一畝得千六百八十坎其坎既成取美糞一升合坎中土攪和以內坎中臨種沃之坎三升水坎內豆三粒覆上土勿厚以掌抑之令種與土相親一畝用種一升用糞十六石八斗豆生五六葉鋤之旱者溉之坎三升水丁夫一人可治五畝至秋收一畝十六石

區種麥法坎同前凡種一畝用子二升覆土厚二寸以足踐之令種土相親麥生根成鋤區間秋草緣以

棘柴律土壅麥根秋旱則桑落燒澆之秋雨澤適勿澆之麥凍解棘柴律之突絕去其枯葉區間草生鋤之大男大女治十畝至五月收區一畝得百石以上十畝得千石以上

區種瓜瓠

區種瓜法六月雨後種菜豆八月中犁掩殺之十月又一轉卽十月中種瓜率兩步爲一區坑大如盆口深五寸以土壅其畔如菜畦形坑底必令平正以足踏之令其保澤以瓜子大豆各十枚徧布坑中瓜子大豆兩物爲雙藉其起土故也以糞五升覆之又以土一斗薄散糞上復以足微躡之冬十月大雪時速併力堆雪于坑爲大堆至春草生瓜亦生莖葉肥茂異于常者且常有潤澤旱亦無害五月瓜便熟其插豆鋤瓜之法與常同若瓜子盡生則大槩

九正車要卷六  
三  
指出之一區  
留四根足矣

又汜勝之曰區種瓜一畝爲二十四科區方圓三尺  
深五寸一科用一石糞糞與土合和令相半以三斗  
瓦甕埋著科中央令甕口上與地平盛水甕中令滿  
種瓜甕四面各一子以瓜蓋甕口水或減輒增常令  
水滿種常以冬至後九十日或百日又種薤十根令  
週迴甕居瓜子外至五月瓜熟薤可賣之與瓜相避  
又可種小豆于瓜中畝四五升其藿可賣此法宜平  
地瓜收畝萬錢

又曰區種瓠法收種子須大者若先受一斗者得收  
一石先受一石者得收十石先掘地作坑方圓深各  
三尺用蠶沙與土相和令中半若無蠶沙生牛糞亦可著坑中  
足躡令堅以水沃之令水盡卽下瓠子十顆復以前  
糞覆之旣生長二尺餘便總聚十莖爲一處以布纏  
之五寸許復用泥泥之不過數日纏處便合爲一莖  
留強者餘悉掐去引蔓結子子外之條亦掐去之勿  
令蔓延留子法初生二三子不佳去之取第四五六  
區留二子卽足旱時卽澆之坑畔周匝小渠子深四

五寸以水停之令其遙潤不得坑中下水不論草木  
凡根株大  
者俱宜遙  
肥遙潤


### 區種芋法

汜勝之書云區種芋區方深各三尺下實豆其尺有  
五寸以糞着其上深如其其區種芋五本旁四本中  
一本漸漸  
之培芋成其爛皆長三尺此亦良法今之農不然但于  
淺土秧子俟苗成移就區種故其利薄夫五穀之種  
或豐或歉天時使然芋則繫之人力若種藝有法培  
壅及時無不獲利以之度凶年濟饑饉助穀食之不  
及

以之與山...  
 西豐...  
 對上...  
 公...  
 正...  
 出...  
 國...

備荒瑣語

稗史彙編曰甘藷或曰芋之類根葉亦如芋大如拳  
 有大如甌者皮紫而肉白烝食味如薯蕷性冷生于  
 朱厓之地海中之人皆不業耕稼惟掘地種甘藷秋  
 熟收之烝晒切如米粒作飯食之貯之以充飢是名  
 藷糧北方人至者或盛牛具豕膾炙諸味以甘藷薦  
 之若粳粟然海中之人壽百餘歲者由食甘藷故耳  
 農書曰山藷植援附樹乃生番藷蔓地生山藷形魁  
 壘番藷形圓而長番藷甚甘山藷為劣中土藷書所



言諸者皆山諸也又曰番諸傳自海外若干高仰沙  
土深耕厚壅大旱汲水灌之無患不熟閩廣人賴以  
救飢其利甚大又曰薯蕷與山諸顯是二種與番諸  
爲三種皆絕不相類

又曰種諸有二法其一傳卵于九十月間掘諸卵揀  
近根先生者勿令傷損用軟草苞之掛通風處陰乾  
至春分後依法種一傳藤八月中揀近根老藤剪取  
長七八寸每七八條作一小束耕地作埕將藤束栽  
種如畦韭法過一月餘卽每條下生小卵如蒜頭狀

冬月畏寒稍用草器蓋至來春分種

又曰甘藷藏種必于霜降前下種必于清明後更宜  
留一半于穀雨後種之恐清明左右尚有薄凌微霜  
也

又曰諸苗二三月至七八月俱可種但卵有大小耳  
卵八九月始生便可掘食若未須者勿頓掘居土中  
日漸大南土到冬至北土到霜降須盡掘之不則爛  
敗矣其種宜高地遇旱災可導河汲井灌溉之在低  
下水鄉亦有宅地園圃高仰之處平時作場種蔬者

悉將種諸亦可救水災也若旱年得水澇年水退在七月中氣後其田遂不及藝五穀蕎麥可種又寡收而無益于人計惟剪藤種諸易生而多收至于蝗蝻爲害草木無遺種種災傷此最爲酷乃其來如風雨食盡而去惟有諸根在地薦食不及縱令莖葉皆盡尚能發生不妨收入若蝗信到時能多并人力益發土徧壅其根節枝幹蝗去之後滋生更易是蟲蝗亦不能爲害故農人家不可一歲不種此實雜植中第一品亦救荒第一義也

又種諸法種宜沙地仍要極肥臘月耕地以大糞壅之至春分後下種先用灰及剉草或牛馬糞和土中使土脈散緩可以行根重耕地二尺深次將諸種截斷每長二三寸種之以土覆深半寸許每株相去數尺俟蔓生盛長剪其莖另插他處卽生與原種不異又曰凡諸二三月種者其占地也每科方二步有半而卵偏焉四五月種者地方二步而卵偏焉六月種者地方一步有半七月種者地方一步而卵皆偏焉八月種者地方三尺以內得卵細小矣種之疏密略

以此準之方二步者畝六十科也方一步有半者畝一百六科有奇也方一步者畝一百四十科也方三尺者畝九百六十科也九月畦種卵生其下如箸如棗擬作種早種而密者謹視之去其交藤

又曰人家凡有隙地悉可種藷若地非沙土可多用柴草灰雜入凡土其虛浮與沙土同矣卽市井湫隘但有數尺地仰見天日者便可種得石許其法用糞和土晒乾雜以柴草灰入竹籠中如法種之

農書云稗多收能水旱可救儉孟子言五穀不熟不

如黃稗淮南所謂小利者皆以此且稗稗一畝可當稻稗二畝其價亦當米一石宜擇嘉種于下田莠之歲歲無絕倘遇災年便得廣植勝于流移搶拾不其遠矣

又曰蠶豆百穀之中最爲先登蒸煮皆可便食是用接新代飯充飽大黑豆者食而充飢可備凶年黃豆可作豆腐可作醬料白豆粥飯皆可拌食皆濟世之穀也○蠶豆蝗所不食

齊民要術曰春種大豆次植穀之後二月中旬爲上



時一畝用子八升三月上旬為中時一畝用子一斗四月上旬為下

時一畝用子一斗二升歲宜晚者五六月亦得然稍晚稍加種

子地不求熟過熟苗茂而實少收刈宜晚此不零落刈早少實

豆圃最宜鋤草遍數多則結實亦加多

農書曰耕種麥地俱須晴天若雨中耕種令土堅塔

麥不易長明年秋種亦不易長南方種大小麥最忌

水溼每人一日只令鋤六分要極細作壟如龜背小

麥早種每畝種七升晚種九升大麥早種種一斗晚

種一斗二升麥溝口種蠶豆亦忌水畏寒臘月宜

用灰糞蓋之南方地寒宜火糞冬月宜清理麥溝令深直瀉

水即春雨易洩不浸麥根理溝時一人先運鋤將溝

中土耙墾鬆細一人隨後持鋤土勻布畦上溝泥

既肥麥根益深矣

宋王禎備荒法曰北方高亢多粟宜用竇窖可以久

藏南方墊溼多稻宜用倉廩亦可歷遠年其備旱荒


之法則莫如區田區田者起于湯時伊尹所制斷地

為區布種而灌溉之救水荒之法莫如櫃田櫃田者

于下澤沮洳之地四圍築土形高如櫃種莠其中水

多浸淫則用水車出之可種黃稭稻地形高處亦可  
 陸種諸物此皆救水旱永遠之計也備蟲荒之法惟  
 捕之乃不為之災然蝗之所至凡草木葉靡有遺者  
 獨不食芋桑與水中菱芡亦不食蠅豆宜廣種此其餘則  
 果食之脯米豆之麩棲于山者有粉葛取葛根肉為粉蕨其  
取蕨根搗碎以水淘汰停粉為其蒟蒻橡栗之利瀕于水者有魚鱉  
 蝦蟹皆可救飢也

荒政輯要卷六終



文化庫

